

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće

Broj: /24
Kakanj, _____2024. godine

Na osnovu člana 7. Zakona o kontroli cijena ("Službene novine F BiH", broj: 2/95 i 70/08), člana 10. stav (1) točka e) Zakona o komunalnim djelatnostima Zeničko dobojskog kantona ("Službene novine Zeničko dobojskog kantona", broj: 17/08), te člana 24. Statuta Općine Kakanj ("Službene novine Općine Kakanj", broj: 4/08) i člana 94. Poslovnika o radu Općinskog vijeća („ Službene novine Općine Kakanj“ broj: 6/11, 4/16 i 6/16), odlučujući po prijedlogu Javnog preduzeća „Grijanje“ d.o.o. Kakanj, za utvrđivanje cijena usluga grijanja Općinsko vijeće, na _____ sjednici održanoj _____.2024. godine, donijelo je

ODLUKU
o utvrđivanju cijena usluga grijanja
Javnog preduzeća "Grijanje" d.o.o. Kakanj

Član 1.

Ovom Odlukom utvrđuju se cijene usluga grijanja Javnog preduzeća za proizvodnju i distribuciju toplotne energije"Grijanje" d.o.o. Kakanj.

Član 2.

Cijene usluga grijanja utvrđuju se :

PO KVADRATURI ZAGRIJAVANOG PROSTORA KM/m² i po UTROŠKU KM/kWh

Red.br	Naziv korisnika	Cijene po kvadraturi zagrijavanog prostora KM/m ²	Po utrošku	
			Angažovana snaga iskazana po KM/m ²	Varijabilni dio (KM/kWh)
1	Poslovni prostori privrednih subjekata i budžetskih korisnika, u koje se svrstavaju: - Društva sa neograničenom solidarnom odgovornošću, - Komanditna društva, - Društva sa ograničenom odgovornošću- d.o.o., -Dionička društva-d.d., - Javne ustanove (JU)- zavodi, škole, centri za socijalni rad - Javna preduzeća (JP)- pošte,elektroprivrede,komunalna preduzeća, - Organi uprave- ministarstva, direkcije, agencije, općine, - Privatne zdravstvene ustanove, - Udruženja građana (NVO).	4,50	1,2 KM/m ²	0,075

2	Prostori malih privrednika, u koje se svrtavaju : - Obrt (SZR, STR, SUR), - Zadruga, - Vjerski objekti, -Javna ustanova dom zdravlja Kakanj.	2,99	0,675 KM/m ²	0,070
3	Stambeni prostor	2,30	0,392 KM/m ²	0,070

Član 3.

U cijene usluga grijanja nije uračunat porez na dodanu vrijednost (PDV).

Član 4.

Ova Odluka stupa na snagu danom donošenja, a primjenjivat će se počev od 01.12.2024. godine, te će se naknadno objaviti u "Službenim novinama Općine Kakanj".

Usvajanjem ove Odluke prestaje da važi Odluka o utvrđivanju cijena usluga grijanja Javnog preduzeća „Grijanje“ d.o.o. Kakanj broj: 0-01/1-27-113/23 od 30.03.2023. godine.

**PREDSJEDAVAJUĆI
OPĆINSKOG VIJEĆA**

Katičić Slaven

**PREDLAGAČ
SKUPŠTINA JP „GRIJANJE“ d.o.o. KAKANJ**

Predsjednik Skupštine, Mirnes Merdić, dipl.ecc.

O B R A Z L O Ž E N J E:

Nadzorni odbor JP Elektroprivreda BiH je na 98. sjednici, dana 27.12.2022. godine, donio **Pravilnik o metodologiji utvrđivanja prodajne cijene toplotne energije iz termoelektrana**. Prema Pravilniku cijena toplotne energije se koriguje sa 60% u slučaju promjene cijene uglja, 20% u slučaju promjene indeksa rasta potrošačkih cijena i 20% u slučaju promjene indeksa rasta proizvodnih cijena. Donošenjem Pravilnika JP Elektroprivreda BiH je izvršila korekciju cijene sa 24,00 KM na 28,84 KM (20,17%), uzimajući u obzir poskupljenje cijene uglja koje je bilo dva mjeseca prije donošenja Pravilnika. Nova cijena se primjenjivala od februara 2023. godine, a Općinsko vijeće je dalo saglasnost na nove cijene usluge zagrijavanja koje su počele važiti od aprila 2023. godine.

Već u februaru 2024. godine JP Elektroprivreda BiH je obavijestila JP „Grijanje“ d.o.o. Kakanj da je došlo do promjene cijene uglja, te samim tim će doći i do poskupljenja toplotne energije od marta 2024. godine. Cijena toplotne energije se povećala sa 28,84KM na 35,47KM (22,99%). JP „Grijanje“ d.o.o. Kakanj je obavijestilo kolegij OV i javnost da je došlo do povećanja cijene toplotne energije, te da neće odmah ići prema OV za korekciju cijene nego će pokušati ponovo razgovarati sa predstavnicima JP Elektroprivreda BiH, s

obzirom da je u tom periodu došla nova Uprava u JP Elektroprivreda BiH. Na sastanku, održanom na inicijativu JP „Grijanje“ d.o.o. Kakanj, predstavnici JP Elektroprivreda BiH su nam obrazložili da je do poskupljenja došlo primjenom važećeg Pravilnika (poskupila je cijena uglja), te da oni ne mogu ići prema NO JP Elektroprivreda BiH sa izmjenom Pravilnika i smanjenju cijene jer bi bilo neozbiljno sa njihove strane da traže smanjenje prihoda u trenutku kada su prethodnu poslovnu godinu završili sa ozbiljnim gubitkom.

Nakon tog sastanka, JP „Grijanje“ d.o.o. Kakanj je odlučilo da smanjenim ulaganjima u rekonstrukciju sistema tokom ljeta, unutrašnjim uštedama i povećanjem prihoda po osnovu drugih djelatnosti za koje je preduzeće registrovano, proba zadržati postojeću cijenu do kraja 2024. godine. Nažalost, u augustu mjesecu 2024. godine nam dolazi obavijest da će od septembra 2024. godine doći do poskupljenja električne energije i to 11,50 % do kraja 2024. godine i 72% od 01.01.2025. do 01.09.2025. godine u odnosu na postojeću cijenu. Nakon isteka novog ugovora, a koji traje 12 mjeseci, ćemo dobiti obavijest o cijenama za naredni period.

S obzirom na sve navedeno JP „Grijanje“ d.o.o. Kakanj je prisiljeno, vanjskim faktorima na koje JP „Grijanje“ d.o.o. Kakanj ne može uticati, da predloži novi cjenovnik usluga kako novonastali troškovi ne bi ugrozili poslovanje JP „Grijanje“ d.o.o. Kakanj. Radi se o troškovima (izračunato na osnovu prosjeka prethodne tri godine) u iznosu od cca 550.000 KM bez uračunatog PDV-a. Ukupno povećanje troškova energije (električne i toplotne) na godišnjem nivou iznosi 28,32%.